

রেজিস্টার্ড নং ডি এ-১

বাংলাদেশ



গেজেট

অতিরিক্ত সংখ্যা  
কর্তৃপক্ষ কর্তৃক প্রকাশিত

রবিবার, এপ্রিল ১৩, ২০২৫

গণপ্রজাতন্ত্রী বাংলাদেশ সরকার  
প্রাথমিক ও গণশিক্ষা মন্ত্রণালয়  
প্রশাসন-১ শাখা

প্রজ্ঞাপন

তারিখ : ২৫ চৈত্র, ১৪৩১ বঙ্গাব্দ/ ০৮ এপ্রিল ২০২৫ খ্রিষ্টাব্দ

এস.আর.ও. নং ১০২-আইন/২০২৫।—উপানুষ্ঠানিক শিক্ষা আইন, ২০১৪ (২০১৪ সনের ১৪নং আইন) এর ধারা ৩৩, ধারা ১১ এর উপ-ধারা (২) এবং (৩) এর সহিত পঠিতব্য, এ প্রদত্ত ক্ষমতাবলে সরকার নিম্নরূপ বিধিমালা প্রণয়ন করিল, যথা :—

১। শিরোনাম।—এই বিধিমালা উপানুষ্ঠানিক শিক্ষা ব্যুরো (কর্মচারী) নিয়োগ বিধিমালা, ২০২৫ নামে অভিহিত হইবে।

২। সংজ্ঞা।—বিষয় বা প্রসঙ্গের পরিপন্থী কোনো কিছু না থাকিলে, এই বিধিমালায়—

- (ক) “কমিশন” অর্থ বাংলাদেশ সরকারী কর্ম কমিশন;
- (খ) “জিপিএ” অর্থ Grade Point Average (GPA);
- (গ) “তফসিল” অর্থ এই বিধিমালার সহিত সংযোজিত তফসিল;
- (ঘ) “নিয়োগকারী কর্তৃপক্ষ” অর্থ সরকার বা সরকার কর্তৃক ক্ষমতা প্রদত্ত যে কোনো কর্মকর্তা;
- (ঙ) “পদ” অর্থ তফসিলে উল্লিখিত কোনো পদ;
- (চ) “প্রয়োজনীয় যোগ্যতা” অর্থ সংশ্লিষ্ট পদের জন্য উল্লিখিত যোগ্যতা;
- (ছ) “শিক্ষানবিশ” অর্থ কোনো পদে শিক্ষানবিশ হিসাবে নিযুক্ত কোনো ব্যক্তি;
- (জ) “সিজিপিএ” Cumulative Grde Point Average (CGPA); এবং

(৩৪৪৫)

মূল্য : টাকা ১৬.০০

- (ঝ) “স্বীকৃত বিশ্ববিদ্যালয়” বা “স্বীকৃত বোর্ড” বা “স্বীকৃত ইনস্টিটিউট” বা “স্বীকৃত শিক্ষা প্রতিষ্ঠান” অর্থ আপাতত বলবৎ কোনো আইনের দ্বারা বা আইনের অধীনে প্রতিষ্ঠিত কোনো বিশ্ববিদ্যালয় বা বোর্ড বা ইনস্টিটিউট বা শিক্ষা প্রতিষ্ঠানকে বুঝাইবে এবং এই বিধির উদ্দেশ্য পূরণকল্পে, সরকার কর্তৃক অনুমোদিত বলিয়া ঘোষিত অন্য কোনো বিশ্ববিদ্যালয় বা বোর্ড বা ইনস্টিটিউট বা প্রতিষ্ঠানও ইহার অন্তর্ভুক্ত হইবে।

৩। নিয়োগ পদ্ধতি।—(১) তফসিলে বর্ণিত বিধান সাপেক্ষে এবং গণপ্রজাতন্ত্রী বাংলাদেশের সংবিধানের অনুচ্ছেদ ২৯ (৩) এর উদ্দেশ্য পূরণকল্পে, সংরক্ষণ সংক্রান্ত নির্দেশাবলি সাপেক্ষে, কোনো পদে নিম্নবর্ণিত পদ্ধতিতে নিয়োগদান করা হইবে, যথা :—

- (ক) সরাসরি নিয়োগের মাধ্যমে;
- (খ) পদোন্নতির মাধ্যমে; অথবা
- (গ) প্রেষণে বদলির মাধ্যমে।

(২) যদি কোনো ব্যক্তির প্রয়োজনীয় যোগ্যতা না থাকে এবং কোনো পদে সরাসরি নিয়োগের ক্ষেত্রে, তাহার বয়স উক্ত পদের জন্য তফসিলে বর্ণিত বয়সসীমার মধ্যে না হয়, তাহা হইলে উক্ত ব্যক্তিকে নিয়োগ করা যাইবে না।

৪। সরাসরি নিয়োগ।—(১) কমিশনের সুপারিশ ব্যতিরেকে কমিশনের আওতাভুক্ত কোনো পদে কোনো ব্যক্তিকে সরাসরি নিয়োগ করা যাইবে না।

(২) নিয়োগকারী কর্তৃপক্ষ কর্তৃক গঠিত বাছাই কমিটির সুপারিশ ব্যতিরেকে কমিশনের আওতা বহির্ভূত কোনো পদে সরাসরি নিয়োগ করা যাইবে না।

(৩) নিয়োগকারী কর্তৃপক্ষ কর্তৃক এতদুদ্দেশ্যে গঠিত বাছাই কমিটি লিখিত ও মৌখিক পরীক্ষার ভিত্তিতে সংশ্লিষ্ট পদে নিয়োগের জন্য সুপারিশ করিবে।

(৪) পরিচ্ছন্নতা কর্মী পদে নিয়োগের ক্ষেত্রে মোট পদের শতকরা ৮০ ভাগ জাত হরিজনদের জন্য বরাদ্দ থাকিবে; তবে জাত হরিজন প্রার্থী পাওয়া না গেলে সেই সকল পদ সাধারণ প্রার্থীগণের মধ্য হইতে পূরণ করা যাইবে।

(৫) কোনো পদে সরাসরি নিয়োগের জন্য কোনো ব্যক্তি যোগ্য বলিয়া বিবেচিত হইবেন না, যদি তিনি—

- (ক) বাংলাদেশের নাগরিক না হন, অথবা বাংলাদেশের স্থায়ী বাসিন্দা না হন অথবা বাংলাদেশের ডমিসাইল না হন; এবং
- (খ) এইরূপ কোনো ব্যক্তিকে বিবাহ করেন অথবা বিবাহ করিবার জন্য প্রতিশ্রুতিবদ্ধ হন যিনি বাংলাদেশের নাগরিক নহেন।

(৬) কোনো পদে নিয়োগের জন্য নির্ধারিত নিয়োগ পরীক্ষার নিমিত্ত প্রেরিত আবেদনপত্র গৃহীত হইবে না, যদি আবেদনকারী ব্যক্তি—

- (ক) উক্ত পদের জন্য কমিশন বা নিয়োগকারী কর্তৃপক্ষ কর্তৃক আবেদন আহ্বানের বিজ্ঞপ্তিতে উল্লিখিত ফিসহ যথাযথ ফরম ও প্রয়োজনীয় কাগজপত্রসহ নির্দিষ্ট তারিখের মধ্যে আবেদনপত্র দাখিল না করেন; এবং

(খ) সরকারি চাকরি কিংবা কোনো স্থানীয় কর্তৃপক্ষের চাকরিতে নিয়োজিত থাকাকালীন স্থায়ী উর্ধ্বতন কর্তৃপক্ষের মাধ্যমে দরখাস্ত দাখিল না করেন।

(৭) যথাযথ কর্তৃপক্ষের অনুমোদনক্রমে আবেদন করিয়া কোনো ব্যক্তি নিয়োগপ্রাপ্ত হইলে উক্ত নিয়োগ নব নিয়োগ হিসাবে গণ্য হইবে এবং তাহার পূর্ব চাকরিকাল শুধু পেনশন ও বেতন সংরক্ষণের জন্য প্রযোজ্য হইবে এবং জ্যেষ্ঠতা বা অন্য কোনো আর্থিক সুবিধাদির জন্য উক্ত কর্মকাল গণনাযোগ্য হইবে না।

(৮) কোনো পদে সরাসরি নিয়োগ করা হইবে না, যদি—

(ক) নিয়োগের জন্য বাছাইকৃত ব্যক্তির স্বাস্থ্য পরীক্ষার উদ্দেশ্যে স্বাস্থ্য অধিদপ্তরের মহাপরিচালক কর্তৃক গঠিত মেডিকেল বোর্ড অথবা, ক্ষেত্রবিশেষে, তদ্ব্যবস্থাপক মনোনীত কোনো মেডিকেল অফিসার এই মর্মে প্রত্যয়ন না করেন যে, উক্ত ব্যক্তি স্বাস্থ্যগতভাবে অনুরূপ পদে নিয়োগযোগ্য এবং তিনি এইরূপ কোনো দৈনিক বৈকল্যে ভুগিতেছেন না যাহা সংশ্লিষ্ট পদের দায়িত্ব পালনে কোনো ব্যাঘাত সৃষ্টি করিতে পারে; এবং

(খ) এইরূপ বাছাইকৃত ব্যক্তির পূর্ব কার্যকলাপ যথাযোগ্য কর্তৃপক্ষের মাধ্যমে তদন্ত হইয়া থাকে, কিংবা তদন্তের ফলে দেখা যায় যে, প্রজাতন্ত্রের চাকুরিতে নিযুক্তির জন্য তিনি উপযুক্ত নহেন।

৫। পদোন্নতির মাধ্যমে নিয়োগ।—(১) এতদুদ্দেশ্যে সরকার কর্তৃক গঠিত সংশ্লিষ্ট বাছাই বা নির্বাচন কমিটির সুপারিশের ভিত্তিতে কোনো পদে পদোন্নতির মাধ্যমে নিয়োগ করা যাইবে :

তবে শর্ত থাকে যে, ১৩তম-১৬তম গ্রেডের কোনো পদ হইতে ১০ম-১২তম গ্রেডের কোনো পদে এবং ১০ম-১২তম গ্রেডের কোনো পদ হইতে ৯ম বা তদূর্ধ্ব গ্রেডের কোনো পদে কমিশনের সুপারিশ ব্যতিরেকে পদোন্নতির মাধ্যমে নিয়োগ করা যাইবে না।

(২) যদি কোনো ব্যক্তির চাকরি বৃত্তান্ত সন্তোষজনক না হয়, তাহা হইলে তিনি কোনো পদে পদোন্নতির মাধ্যমে নিয়োগের জন্য যোগ্য বলিয়া বিবেচিত হইবেন না।

(৩) অস্থায়ী পদে সংশ্লিষ্ট নিয়োগ বিধিমালার বিধান অনুযায়ী পদোন্নতি প্রদান করা যাইবে, তবে উক্ত পদোন্নতি অস্থায়ী হইবে; পদ স্থায়ী হইলে উক্ত পদোন্নতি স্থায়ী হইবে।

৬। শিক্ষানবিশি।—(১) স্থায়ী শূন্য পদের বিপরীতে কোনো পদে নিয়োগের জন্য বাছাইকৃত ব্যক্তিকে শিক্ষানবিশিরূপে নিম্নবর্ণিত মেয়াদের জন্য নিয়োগ করা হইবে, যথা :—

(ক) সরাসরি নিয়োগের ক্ষেত্রে, স্থায়ী নিয়োগের তারিখ হইতে ২ (দুই) বৎসরের জন্য; এবং

(খ) পদোন্নতির ক্ষেত্রে, এইরূপ নিয়োগের তারিখ হইতে ১ (এক) বৎসরের জন্য :

তবে শর্ত থাকে যে, নিয়োগকারী কর্তৃপক্ষ কারণ লিপিবদ্ধ করিয়া শিক্ষানবিশির মেয়াদ এইরূপ বর্ধিত করিতে পারিবেন যাহাতে বর্ধিত মেয়াদ সর্বসাকুল্যে ২ (দুই) বৎসরের অধিক না হয়।

(২) যে ক্ষেত্রে কোনো শিক্ষানবিশির শিক্ষানবিশির মেয়াদকালে নিয়োগকারী কর্তৃপক্ষ মনে করেন যে, তাহার কর্ম ও আচরণ সন্তোষজনক নহে, কিংবা তাহার কর্মদক্ষ হওয়ার সম্ভাবনা নাই, সেই ক্ষেত্রে নিয়োগকারী কর্তৃপক্ষ—

- (ক) সরাসরি নিয়োগের ক্ষেত্রে, শিক্ষানবিশের চাকরির অবসান ঘটাইতে পারিবে; এবং
- (খ) পদোন্নতির ক্ষেত্রে, তাকে যে পদ হইতে পদোন্নতি দেওয়া হইয়াছিল সেই পদে প্রত্যাবর্তন করাইতে পারিবে।
- (৩) শিক্ষানবিশির মেয়াদ, বর্ধিত মেয়াদ থাকিলে তাহাসহ, সম্পূর্ণ হওয়ার পর নিয়োগকারী কর্তৃপক্ষ—
- (ক) যদি এই মর্মে সন্তুষ্ট হয় যে, শিক্ষানবিশির মেয়াদকালে কোনো শিক্ষানবিশের কর্ম ও আচরণ সন্তোষজনক ছিল, তাহা হইলে উপ-বিধি (৪) এর বিধানসাপেক্ষে, তাকে চাকরিতে স্থায়ী করিবে এবং এই স্থায়ীকরণ তাহার চাকরিতে যোগদানের তারিখ হইতে কার্যকর হইবে; এবং
- (খ) যদি এইরূপ মত পোষণ করে যে, উক্ত মেয়াদকালে শিক্ষানবিশের কর্ম ও আচরণ সন্তোষজনক ছিল না, বা তাহার কর্মদক্ষ হইবার সম্ভাবনা নাই, তাহা হইলে উক্ত কর্তৃপক্ষ—
- (অ) সরাসরি নিয়োগের ক্ষেত্রে, তাহার চাকরির অবসান ঘটাইতে পারিবে; এবং
- (আ) পদোন্নতির ক্ষেত্রে, তাকে যেই পদ হইতে পদোন্নতি দেওয়া হইয়াছিল সেই পদে প্রত্যাবর্তন করাইতে পারিবে।

(৪) কোনো শিক্ষানবিশকে কোনো নির্দিষ্ট পদে স্থায়ী করা হইবে না যতক্ষণ না, সরকারি আদেশবলে সময় সময়, যে পরীক্ষা ও প্রশিক্ষণের ব্যবস্থা করা হয়, সেই পরীক্ষায় তিনি উত্তীর্ণ হন ও সফলভাবে প্রশিক্ষণ গ্রহণ করেন :

তবে শর্ত থাকে যে, যে সকল কর্মচারীর বয়স ৫০ (পঞ্চাশ) বৎসর উত্তীর্ণ হইয়াছে সেই সকল কর্মচারীকে শিক্ষানবিশকাল শেষ হইবার ১ (এক) বৎসরের মধ্যে স্থায়ী হইবার ক্ষেত্রে বর্ণিত পরীক্ষা বা প্রশিক্ষণ গ্রহণ করিতে হইবে না।

(৫) অস্থায়ীভাবে সৃজিত পদে অস্থায়ীভাবে নিয়োগপ্রাপ্ত ব্যক্তি শিক্ষানবিশ হিসাবে গণ্য হইবেন, তবে অস্থায়ী পদ যেই তারিখে স্থায়ী হইবে সেই তারিখ হইতে উক্ত ব্যক্তির চাকরি স্থায়ী হইবে।

৭। বিশেষ বিধান।—তফসিলে উল্লিখিত কোনো পদ পূরণের ক্ষেত্রে সরাসরি ও পদোন্নতির কোটা বিভাজনে কোনো ভগ্নাংশ আসিলে উভয় কোটায় ভগ্নাংশ পূর্ণ সংখ্যা হিসেবে পদোন্নতির কোটার সহিত যুক্ত হইবে।

৮। রহিতকরণ ও হেফাজত।—(১) উপানুষ্ঠানিক শিক্ষা ব্যুরো (কর্মচারী) নিয়োগ বিধিমালা, ২০১৭, অতঃপর রহিত বিধিমালা বলিয়া উল্লিখিত, এতদ্বারা রহিত করা হইল।

(২) উপ-বিধি (১) এর অধীন উক্তরূপ রহিতকরণ সত্ত্বেও, রহিত বিধিমালার অধীন—

- (ক) কৃত কোনো কার্য, গৃহীত কোনো ব্যবস্থা, প্রদত্ত কোনো আদেশ বিজ্ঞপ্তি, নিয়োগ, চাকরি স্থায়ীকরণ বা পদোন্নতি বৈধ বলিয়া গণ্য হইবে;
- (খ) নিয়োগপ্রাপ্ত কর্মচারীগণ এই বিধিমালার অধীন নিয়োগপ্রাপ্ত বলিয়া গণ্য হইবে; তবে তাহাদের চাকরি স্থায়ীকরণ বা পদোন্নতির ক্ষেত্রে এই বিধিমালার কোনো শর্ত রহিত বিধিমালার সহিত অসামঞ্জস্যপূর্ণ হইলে রহিত বিধিমালার সংশ্লিষ্ট বিধান এইরূপভাবে প্রযোজ্য হইবে যেন উহা রহিত হয় নাই; এবং

(গ) গৃহীত কোনো কার্যধারা অনিষ্পন্ন থাকিলে উহা এইরূপভাবে নিষ্পন্ন করিতে হইবে যেন উহা রহিত হয় নাই।

## তফসিল-১

[বিধি ২(গ), (ঘ), (ঙ), (চ), বিধি ৩(২) এবং বিধি ৬(৪) দ্রষ্টব্য]

| ক্রমিক<br>নং | পদের নাম            | সরাসরি<br>নিয়োগের ক্ষেত্রে<br>সর্বোচ্চ বয়সসীমা                         | নিয়োগ পদ্ধতি                                                                                                                                                                                                 | প্রয়োজনীয় যোগ্যতা                                                                                                                                                                                                                                                                                                                                                                           |
|--------------|---------------------|--------------------------------------------------------------------------|---------------------------------------------------------------------------------------------------------------------------------------------------------------------------------------------------------------|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| ১।           | মহাপরিচালক          | উপানুষ্ঠানিক শিক্ষা আইন, ২০১৪ এর ধারা ১১ এর উপ-ধারা (২) এর বিধান অনুসারে |                                                                                                                                                                                                               |                                                                                                                                                                                                                                                                                                                                                                                               |
| ২।           | পরিচালক             | -                                                                        | পদোন্নতির মাধ্যমে,<br>তবে পদোন্নতিযোগ্য<br>প্রার্থী পাওয়া না<br>গেলে প্রেষণে বদলির<br>মাধ্যমে                                                                                                                | <u>পদোন্নতির ক্ষেত্রে :</u><br>উপ-পরিচালক পদে অনূন<br>৫ (পাঁচ) বৎসরের চাকরি।<br><u>প্রেষণে বদলির ক্ষেত্রে :</u><br>সরকারের উপসচিব বা সমপদমর্যাদার<br>কর্মকর্তাদের মধ্য হইতে প্রেষণে<br>বদলির মাধ্যমে।                                                                                                                                                                                         |
| ৩।           | সিস্টেম<br>এনালিস্ট | সরকারি প্রতিষ্ঠানের কম্পিউটার পার্সোনেল নিয়োগ বিধিমালা, ২০১৯ অনুযায়ী।  |                                                                                                                                                                                                               |                                                                                                                                                                                                                                                                                                                                                                                               |
| ৪।           | উপ-পরিচালক          | -                                                                        | পদোন্নতির মাধ্যমে,<br>তবে পদোন্নতিযোগ্য<br>প্রার্থী পাওয়া না<br>গেলে প্রেষণে বদলির<br>মাধ্যমে                                                                                                                | <u>পদোন্নতির ক্ষেত্রে :</u><br>সহকারী পরিচালক পদে অনূন ৭<br>(সাত) বৎসরের চাকরি।<br><u>প্রেষণে বদলির ক্ষেত্রে :</u><br>সরকারের সিনিয়র সহকারী সচিব<br>বা সমপদমর্যাদার কর্মকর্তাদের মধ্য<br>হইতে প্রেষণে বদলির মাধ্যমে।                                                                                                                                                                         |
| ৫।           | সহকারী<br>পরিচালক   | ৩২ বৎসর                                                                  | (ক) শতকরা ৩০<br>(ত্রিশ) ভাগ পদ<br>পদোন্নতির মাধ্যমে,<br>তবে<br>পদোন্নতিযোগ্য<br>প্রার্থী পাওয়া না<br>গেলে সরাসরি<br>নিয়োগের মাধ্যমে;<br>এবং<br>(খ) শতকরা ৭০<br>(সত্তর) ভাগ পদ<br>সরাসরি নিয়োগের<br>মাধ্যমে | <u>পদোন্নতির ক্ষেত্রে :</u><br>উপজেলা উপানুষ্ঠানিক শিক্ষা<br>কর্মকর্তা অথবা প্রশাসনিক কর্মকর্তা<br>পদে অনূন ৭ (সাত) বৎসরের<br>চাকরি।<br><u>সরাসরি নিয়োগের ক্ষেত্রে :</u><br>কোনো স্বীকৃত বিশ্ববিদ্যালয় হইতে<br>অনূন দ্বিতীয় শ্রেণি বা সমমানের<br>সিজিপিএসহ স্নাতকোত্তর ডিগ্রি<br>অথবা দ্বিতীয় শ্রেণি বা সমমানের<br>সিজিপিএসহ ৪ (চার) বছর মেয়াদি<br>স্নাতক (সম্মান) বা সমমানের<br>ডিগ্রি। |
| ৬।           | স্টোর<br>অফিসার     | ৩২ বৎসর                                                                  | সরাসরি নিয়োগের<br>মাধ্যমে                                                                                                                                                                                    | কোনো স্বীকৃত বিশ্ববিদ্যালয় হইতে<br>অনূন দ্বিতীয় শ্রেণি বা সমমানের<br>সিজিপিএসহ স্নাতকোত্তর ডিগ্রি<br>অথবা দ্বিতীয় শ্রেণি বা সমমানের<br>সিজিপিএসহ ৪ (চার) বছর মেয়াদি<br>স্নাতক (সম্মান) বা সমমানের<br>ডিগ্রি।                                                                                                                                                                              |

| ক্রমিক<br>নং | পদের নাম                                   | সরাসরি<br>নিয়োগের ক্ষেত্রে<br>সর্বোচ্চ বয়সসীমা | নিয়োগ পদ্ধতি                                                                                                               | প্রয়োজনীয় যোগ্যতা                                                                                                                                                                                                                                                                                                                                                                                                                                                                                         |
|--------------|--------------------------------------------|--------------------------------------------------|-----------------------------------------------------------------------------------------------------------------------------|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| ৭।           | লাইব্রেরিয়ান                              | ৩২ বৎসর                                          | পদোন্নতির মাধ্যমে,<br>তবে পদোন্নতিযোগ্য<br>প্রার্থী পাওয়া না<br>গেলে সরাসরি<br>নিয়োগের মাধ্যমে                            | <b>পদোন্নতির ক্ষেত্রে :</b><br>লাইব্রেরি সহকারী পদে অনূন<br>১২ (বার) বৎসরের চাকরি।<br><b>সরাসরি নিয়োগের ক্ষেত্রে :</b><br>কোনো স্বীকৃত বিশ্ববিদ্যালয় হইতে<br>গ্রন্থাগার বিজ্ঞান বা গ্রন্থাগার ও<br>তথ্যবিজ্ঞান বা গ্রন্থাগার ব্যবস্থাপনা<br>বিষয়ে অনূন দ্বিতীয় শ্রেণি বা<br>সমমানের সিজিপিএসহ স্নাতকোত্তর<br>ডিগ্রি অথবা গ্রন্থাগার বিজ্ঞান বা<br>গ্রন্থাগার ও তথ্যবিজ্ঞান বা গ্রন্থাগার<br>ব্যবস্থাপনা বিষয়ে দ্বিতীয় শ্রেণি বা<br>সমমানের সিজিপিএসহ ৪ (চার)<br>বছর মেয়াদি স্নাতক (সম্মান) ডিগ্রি।   |
| ৮।           | সহকারী<br>প্রোগ্রামার                      | সরকারি প্রতিষ্ঠানের কম্পিউটার পার্সোনেল          | নিয়োগ বিধিমালা, ২০১৯ অনুযায়ী।                                                                                             |                                                                                                                                                                                                                                                                                                                                                                                                                                                                                                             |
| ৯।           | প্রশাসনিক<br>কর্মকর্তা                     | ৩২ বৎসর                                          | পদোন্নতির মাধ্যমে,<br>তবে পদোন্নতিযোগ্য<br>প্রার্থী পাওয়া না<br>গেলে সরাসরি<br>নিয়োগের মাধ্যমে                            | <b>পদোন্নতির ক্ষেত্রে :</b><br>(ক) ব্যক্তিগত সহকারী পদে অনূন<br>৮ (আট) বৎসরের চাকরি;<br>অথবা<br>(খ) অফিস সহকারী -কাম-<br>কম্পিউটার মুদ্রাক্ষরিক পদে<br>অনূন ১১ (এগারো) বৎসরের<br>চাকরি।<br><b>সরাসরি নিয়োগের ক্ষেত্রে :</b><br>(ক) কোনো স্বীকৃত বিশ্ববিদ্যালয় হইতে<br>অনূন দ্বিতীয় শ্রেণি বা<br>সমমানের সিজিপিএসহ<br>স্নাতকোত্তর ডিগ্রি অথবা দ্বিতীয়<br>শ্রেণি বা সমমানের<br>সিজিপিএসহ ৪ (চার) বছর<br>মেয়াদি স্নাতক (সম্মান) বা<br>সমমানের ডিগ্রি; এবং<br>(খ) কম্পিউটারে MS Office<br>চালনার অভিজ্ঞতা। |
| ১০।          | উপজেলা<br>উপানুষ্ঠানিক<br>শিক্ষা কর্মকর্তা | ৩২ বৎসর                                          | (ক) শতকরা ২০<br>(বিশ) ভাগ পদ<br>পদোন্নতির<br>মাধ্যমে, তবে<br>পদোন্নতিযোগ্য<br>প্রার্থী পাওয়া না<br>গেলে সরাসরি<br>নিয়োগের | <b>পদোন্নতির ক্ষেত্রে :</b><br>(ক) হিসাবরক্ষক বা কম্পিউটার<br>অপারেটর পদে অনূন ৭<br>(সাত) বৎসরের চাকরি;<br>অথবা<br>(খ) ব্যক্তিগত সহকারী পদে অনূন<br>৮ (আট) বৎসরের চাকরি;                                                                                                                                                                                                                                                                                                                                    |

| ক্রমিক<br>নং | পদের নাম             | সরাসরি<br>নিয়োগের ক্ষেত্রে<br>সর্বোচ্চ বয়সসীমা                        | নিয়োগ পদ্ধতি                                                                                                                                                                                                      | প্রয়োজনীয় যোগ্যতা                                                                                                                                                                                                                                                                                                                                                                                                                                            |
|--------------|----------------------|-------------------------------------------------------------------------|--------------------------------------------------------------------------------------------------------------------------------------------------------------------------------------------------------------------|----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
|              |                      |                                                                         | মাধ্যমে; এবং<br>(খ) শতকরা ৮০<br>(আশি) ভাগ<br>পদ সরাসরি<br>নিয়োগের<br>মাধ্যমে।                                                                                                                                     | অথবা<br>(গ) ডাটা এন্ট্রি অপারেটর বা<br>অফিস সহকারী-কাম-কম্পিউটার<br>মুদ্রাক্ষরিক বা স্টোর কিপার<br>পদে অনূ্যন ১১ (এগার)<br>বৎসরের চাকরি।<br><b>সরাসরি নিয়োগের ক্ষেত্রে :</b><br>(ক) কোনো স্বীকৃত বিশ্ববিদ্যালয়<br>হইতে অনূ্যন দ্বিতীয় শ্রেণি বা<br>সমমানের সিজিপিএসহ<br>স্নাতকোত্তর ডিগ্রি অথবা<br>দ্বিতীয় শ্রেণি বা সমমানের<br>সিজিপিএসহ ৪ (চার) বছর<br>মেয়াদি স্নাতক (সম্মান) বা<br>সমমানের ডিগ্রি; এবং<br>(খ) কম্পিউটারে MS Office<br>চালনার অভিজ্ঞতা। |
| ১১।          | হিসাবরক্ষক           | ৩২ বৎসর                                                                 | (ক) শতকরা ৫০<br>(পঞ্চাশ) ভাগ<br>পদ পদোন্নতির<br>মাধ্যমে, তবে<br>পদোন্নতিযোগ্য<br>প্রার্থী পাওয়া না<br>গেলে সরাসরি<br>নিয়োগের<br>মাধ্যমে; এবং<br>(খ) শতকরা ৫০<br>(পঞ্চাশ) ভাগ<br>পদ সরাসরি<br>নিয়োগের<br>মাধ্যমে | <b>পদোন্নতির ক্ষেত্রে:</b><br>সহকারী হিসাবরক্ষক বা ক্যাশিয়ার<br>পদের অনূ্যন ৪(চার) বৎসরের চাকরি।<br><b>সরাসরি নিয়োগের ক্ষেত্রে:</b><br>(ক) কোনো স্বীকৃত বিশ্ববিদ্যালয়<br>হইতে ব্যবসায় শিক্ষায় অনূ্যন<br>দ্বিতীয় শ্রেণি বা সমমানের<br>সিজিপিএসহ স্নাতক বা<br>সমমানের ডিগ্রি;<br>(খ) কম্পিউটারে MS Office<br>চালনার অভিজ্ঞতা; এবং<br>(গ) তফসিল-২ অনুযায়ী গৃহীত<br>পরীক্ষায় উত্তীর্ণ।                                                                     |
| ১২।          | কম্পিউটার<br>অপারেটর | সরকারি প্রতিষ্ঠানের কম্পিউটার পার্সোনেল নিয়োগ বিধিমালা, ২০১৯ অনুযায়ী। |                                                                                                                                                                                                                    |                                                                                                                                                                                                                                                                                                                                                                                                                                                                |
| ১৩।          | লাইব্রেরি<br>সহকারী  | ৩২ বৎসর                                                                 | সরাসরি নিয়োগের<br>মাধ্যমে                                                                                                                                                                                         | (ক) কোনো স্বীকৃত বিশ্ববিদ্যালয়<br>হইতে গ্রন্থাগার বিজ্ঞান বা<br>গ্রন্থাগার ও তথ্য বিজ্ঞান বা<br>গ্রন্থাগার ব্যবস্থাপনা বিষয়ে<br>অনূ্যন দ্বিতীয় শ্রেণি বা<br>সমমানের সিজিপিএতে<br>স্নাতকোত্তর ডিগ্রি; অথবা                                                                                                                                                                                                                                                   |

| ক্রমিক<br>নং | পদের নাম          | সরাসরি<br>নিয়োগের ক্ষেত্রে<br>সর্বোচ্চ বয়সসীমা | নিয়োগ পদ্ধতি                                                                                                                                                                              | প্রয়োজনীয় যোগ্যতা                                                                                                                                                                                                                                                                                                                                                                                         |
|--------------|-------------------|--------------------------------------------------|--------------------------------------------------------------------------------------------------------------------------------------------------------------------------------------------|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
|              |                   |                                                  |                                                                                                                                                                                            | <p>(খ) কোনো স্বীকৃত বিশ্ববিদ্যালয় হইতে অনূ্যন দ্বিতীয় শ্রেণি বা সমমানের সিজিপিএতে স্নাতক বা সমমানের ডিগ্রিসহ কোনো স্বীকৃত প্রতিষ্ঠান হইতে গ্রহাগার বিজ্ঞানে অনূ্যন ডিপ্লোমা;</p> <p>(গ) কম্পিউটারে MS Office চালনার অভিজ্ঞতা; এবং</p> <p>(ঘ) তফসিল-২ অনুযায়ী গৃহীত পরীক্ষায় উত্তীর্ণ।</p>                                                                                                               |
| ১৪।          | ব্যক্তিগত সহকারী  | ..                                               | পদোন্নতির মাধ্যমে                                                                                                                                                                          | অফিস সহকারী কাম-কম্পিউটার মুদ্রাক্ষরিক বা পদে অনূ্যন ৫ (পাঁচ) বৎসরের চাকরি।                                                                                                                                                                                                                                                                                                                                 |
| ১৫।          | সহকারী হিসাবরক্ষক | ৩২ বৎসর                                          | <p>(ক) শতকরা ৫০ (পঞ্চাশ) ভাগ পদ পদোন্নতির মাধ্যমে, তবে পদোন্নতিযোগ্য প্রার্থী পাওয়া না গেলে সরাসরি নিয়োগের মাধ্যমে; এবং</p> <p>(খ) শতকরা ৫০ (পঞ্চাশ) ভাগ পদ সরাসরি নিয়োগের মাধ্যমে।</p> | <p><b>পদোন্নতির ক্ষেত্রে:</b><br/>অফিস সহকারী কাম-কম্পিউটার মুদ্রাক্ষরিক বা স্টোর কিপার পদে অনূ্যন ৫ (পাঁচ) বৎসরের চাকরি।</p> <p><b>সরাসরি নিয়োগের ক্ষেত্রে:</b><br/>(ক) কোনো স্বীকৃত বিশ্ববিদ্যালয় হইতে ব্যবসায় শিক্ষায় অনূ্যন দ্বিতীয় শ্রেণি বা সমমানের সিজিপিএসহ স্নাতক বা সমমানের ডিগ্রি;<br/>(খ) কম্পিউটারে MS Office চালনার অভিজ্ঞতা; এবং<br/>(গ) তফসিল-২ অনুযায়ী গৃহীত পরীক্ষায় উত্তীর্ণ।</p> |
| ১৬।          | ক্যাশিয়ার        | ৩২ বৎসর                                          | পদোন্নতির মাধ্যমে, তবে পদোন্নতিযোগ্য প্রার্থী পাওয়া না গেলে সরাসরি নিয়োগের মাধ্যমে।                                                                                                      | <p><b>পদোন্নতির ক্ষেত্রে:</b><br/>(ক) অফিস সহকারী কাম-কম্পিউটার মুদ্রাক্ষরিক বা স্টোর কিপার পদে অনূ্যন ৫ (পাঁচ) বৎসরের চাকরি; অথবা<br/>(খ) ক্যাশ সরকার পদে অনূ্যন ৭ (সাত) বৎসরের চাকরি।</p> <p><b>সরাসরি নিয়োগের ক্ষেত্রে:</b><br/>(ক) কোনো স্বীকৃত বিশ্ববিদ্যালয় হইতে ব্যবসায় শিক্ষায় অনূ্যন দ্বিতীয় শ্রেণি বা সমমানের সিজিপিএসহ স্নাতক বা সমমানের ডিগ্রি;</p>                                        |



| ক্রমিক<br>নং | পদের নাম                                         | সরাসরি<br>নিয়োগের ক্ষেত্রে<br>সর্বোচ্চ বয়সসীমা                                                        | নিয়োগ পদ্ধতি              | প্রয়োজনীয় যোগ্যতা                                                                                                                                                                                                                                                                                                 |
|--------------|--------------------------------------------------|---------------------------------------------------------------------------------------------------------|----------------------------|---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
|              |                                                  |                                                                                                         |                            | (খ) কম্পিউটারে MS Office<br>চালনার অভিজ্ঞতা; এবং<br>(গ) তফসিল-২ অনুযায়ী গৃহীত<br>পরীক্ষায় উত্তীর্ণ।                                                                                                                                                                                                               |
| ১৭।          | অডিও<br>ভিজুয়াল<br>টেকনিশিয়ান                  | ৩২ বৎসর                                                                                                 | সরাসরি নিয়োগের<br>মাধ্যমে | (ক) কোনো স্বীকৃত বিশ্ববিদ্যালয়<br>হইতে বিজ্ঞান বিষয়ে অন্যান্য<br>দ্বিতীয় শ্রেণি বা সমমানের<br>সির্জিপিএসহ স্নাতক বা<br>সমমানের ডিগ্রি;<br>(খ) সংশ্লিষ্ট কাজে অন্যান্য ১ (এক)<br>বৎসরের বাস্তব অভিজ্ঞতা।<br>(গ) কম্পিউটারে MS Office<br>চালনার অভিজ্ঞতা; এবং<br>(ঘ) তফসিল-২ অনুযায়ী গৃহীত<br>পরীক্ষায় উত্তীর্ণ। |
| ১৮।          | ডাটা এন্ট্রি<br>অপারেটর                          | ৩২ বৎসর                                                                                                 | সরাসরি নিয়োগের<br>মাধ্যমে | (ক) কোনো স্বীকৃত বোর্ড হইতে<br>অন্য দ্বিতীয় বিভাগ বা<br>সমমানের জিপিএসহ উচ্চ<br>মাধ্যমিক সার্টিফিকেট বা<br>সমমানের পরীক্ষায় উত্তীর্ণ; এবং<br>(খ) তফসিল-৩ অনুযায়ী গৃহীত<br>পরীক্ষায় উত্তীর্ণ।                                                                                                                    |
| ১৯।          | অফিস<br>সহকারী কাম-<br>কম্পিউটার<br>মুদ্রাক্ষরিক | মন্ত্রণালয় বা বিভাগের সংযুক্ত অধিদপ্তর, পরিদপ্তর এবং দপ্তরের কমন পদ নিয়োগ<br>বিধিমালা, ২০১৯ অনুযায়ী। |                            |                                                                                                                                                                                                                                                                                                                     |
| ২০।          | স্টোর কিপার                                      | ৩২ বৎসর                                                                                                 | সরাসরি নিয়োগের<br>মাধ্যমে | (ক) কোনো স্বীকৃত বোর্ড হইতে<br>অন্য দ্বিতীয় বিভাগ বা<br>সমমানের জিপিএসহ উচ্চ<br>মাধ্যমিক সার্টিফিকেট বা<br>সমমানের পরীক্ষায় উত্তীর্ণ;<br>(খ) কম্পিউটারে MS Office<br>চালনার অভিজ্ঞতা; এবং<br>(গ) তফসিল-২ অনুযায়ী গৃহীত<br>পরীক্ষায় উত্তীর্ণ।                                                                    |

| ক্রমিক<br>নং | পদের নাম                   | সরাসরি<br>নিয়োগের ক্ষেত্রে<br>সর্বোচ্চ বয়সসীমা                                                                                                                                                                                                           | নিয়োগ পদ্ধতি              | প্রয়োজনীয় যোগ্যতা                                                                                                                                                                                                                                                                                                                 |
|--------------|----------------------------|------------------------------------------------------------------------------------------------------------------------------------------------------------------------------------------------------------------------------------------------------------|----------------------------|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| ২১।          | গাড়ীচালক                  | ৩২ বৎসর                                                                                                                                                                                                                                                    | সরাসরি নিয়োগের<br>মাধ্যমে | (ক) কোনো স্বীকৃত বোর্ড হইতে<br>মাধ্যমিক স্কুল সার্টিফিকেট বা<br>সমমানের পরীক্ষায় উত্তীর্ণ;<br>(খ) ড্রাইভিং লাইসেন্স;<br>(অ) হোড-১৬ এর ক্ষেত্রে: হালকা<br>গাড়ি চালনার বৈধ ড্রাইভিং<br>লাইসেন্স;<br>(আ) হোড-১৫ এর ক্ষেত্রে: ভারী<br>গাড়ি চালনার বৈধ ড্রাইভিং<br>লাইসেন্স; এবং<br>(গ) তফসিল-৪ অনুযায়ী গৃহীত<br>পরীক্ষায় উত্তীর্ণ। |
| ২২।          | ক্যাশ সরকার                | ৩২ বৎসর                                                                                                                                                                                                                                                    | সরাসরি নিয়োগের<br>মাধ্যমে | (ক) কোনো স্বীকৃত বোর্ড হইতে<br>ব্যবসায় শিক্ষা বিভাগে<br>অন্যান্য দ্বিতীয় বিভাগ বা<br>সমমানের জিপিএসহ উচ্চ<br>মাধ্যমিক সার্টিফিকেট বা<br>সমমানের পরীক্ষায় উত্তীর্ণ;<br>(খ) কম্পিউটারে MS Office<br>চালনার অভিজ্ঞতা; এবং<br>(গ) তফসিল-২ অনুযায়ী গৃহীত<br>পরীক্ষায় উত্তীর্ণ।                                                      |
| ২৩।          | অফিস সহায়ক                | মন্ত্রণালয় বা বিভাগের সংযুক্ত অধিদপ্তর, পরিদপ্তর এবং দপ্তরের কমন পদ নিয়োগ<br>বিধিমালা, ২০১৯ অনুযায়ী।                                                                                                                                                    |                            |                                                                                                                                                                                                                                                                                                                                     |
| ২৪।          | ফটোকপি<br>মেশিন<br>অপারেটর | বর্তমানে চাকরিতে কর্মরত কর্মচারীর পদটি পদোন্নতি, অবসর, পদত্যাগ, মৃত্যু,<br>চাকরিচ্যুতি, অব্যাহতি বা অন্য কোনো কারণে কোনো পদ শূন্য হইলে উক্ত পদটি<br>অর্থ বিভাগ কর্তৃক জারীকৃত আউটসোর্সিং (Outsourcing) প্রক্রিয়ায় সেবা<br>গ্রহণ নীতিমালা, ২০১৮ অনুযায়ী। |                            |                                                                                                                                                                                                                                                                                                                                     |
| ২৫।          | ডেচপাচ<br>রাইডার           | বর্তমানে চাকরিতে কর্মরত কর্মচারীর পদটি পদোন্নতি, অবসর, পদত্যাগ, মৃত্যু,<br>চাকরিচ্যুতি, অব্যাহতি বা অন্য কোনো কারণে কোনো পদ শূন্য হইলে উক্ত পদটি<br>অর্থ বিভাগ কর্তৃক জারীকৃত আউটসোর্সিং (Outsourcing) প্রক্রিয়ায় সেবা<br>গ্রহণ নীতিমালা, ২০১৮ অনুযায়ী। |                            |                                                                                                                                                                                                                                                                                                                                     |
| ২৬।          | নিরাপত্তা<br>প্রহরী        | বর্তমানে চাকরিতে কর্মরত কর্মচারীর পদটি পদোন্নতি, অবসর, পদত্যাগ, মৃত্যু,<br>চাকরিচ্যুতি, অব্যাহতি বা অন্য কোনো কারণে কোনো পদ শূন্য হইলে উক্ত পদটি<br>অর্থ বিভাগ কর্তৃক জারীকৃত আউটসোর্সিং (Outsourcing) প্রক্রিয়ায় সেবা<br>গ্রহণ নীতিমালা, ২০১৮ অনুযায়ী। |                            |                                                                                                                                                                                                                                                                                                                                     |
| ২৭।          | পরিচ্ছন্নতাকর্মী           | বর্তমানে চাকরিতে কর্মরত কর্মচারীর পদটি পদোন্নতি, অবসর, পদত্যাগ, মৃত্যু,<br>চাকরিচ্যুতি, অব্যাহতি বা অন্য কোনো কারণে কোনো পদ শূন্য হইলে উক্ত পদটি<br>অর্থ বিভাগ কর্তৃক জারীকৃত আউটসোর্সিং (Outsourcing) প্রক্রিয়ায় সেবা<br>গ্রহণ নীতিমালা, ২০১৮ অনুযায়ী। |                            |                                                                                                                                                                                                                                                                                                                                     |

## তফসিল ২

## [বিধি ২(গ) দ্রষ্টব্য]

হিসাবরক্ষক, লাইব্রেরি সহকারী, সহকারী হিসাবরক্ষক, ক্যাশিয়ার, অডিও ভিজুয়াল টেকনেশিয়ান, স্টোর কিপার, ক্যাশ সরকার পদে লিখিত পরীক্ষার বিষয় ও নম্বর ইত্যাদি:

| পরীক্ষার নাম  | পরীক্ষার বিষয়                         | নম্বর | সর্বনিম্ন পাস<br>নম্বর | সময়     |
|---------------|----------------------------------------|-------|------------------------|----------|
| (১)           | (২)                                    | (৩)   | (৪)                    | (৫)      |
| লিখিত পরীক্ষা | ১। বাংলা                               | ২৫    | ৫০%                    | ৯০ মিনিট |
|               | ২। ইংরেজি                              | ২৫    |                        |          |
|               | ৩। গণিত                                | ২০    |                        |          |
|               | ৪। সাধারণ জ্ঞান/ প্রাসঙ্গিক টেকনিক্যাল | ২০    |                        |          |
|               | মোট নম্বর                              | ৯০    |                        |          |
| মৌখিক পরীক্ষা |                                        | ১০    | -                      | -        |
| সর্বমোট নম্বর |                                        | ১০০   | -                      | -        |

ব্যাখ্যা।—লিখিত পরীক্ষায় ও ব্যবহারিক (প্রয়োজ্য ক্ষেত্রে) পরীক্ষায় উত্তীর্ণ প্রার্থীগণ মৌখিক পরীক্ষার জন্য যোগ্য বিবেচিত হইবেন।

## তফসিল ৩

## [বিধি ২(গ) দ্রষ্টব্য]

কম্পিউটার অপারেটর, ডাটা এন্ট্রি অপারেটর পদে লিখিত পরীক্ষার বিষয় ও নম্বর ইত্যাদি:

| পরীক্ষার<br>নাম  | পরীক্ষার বিষয়                   | নম্বর | সর্বনিম্ন<br>পাস নম্বর | সময়     |
|------------------|----------------------------------|-------|------------------------|----------|
| (১)              | (২)                              | (৩)   | (৪)                    | (৫)      |
| লিখিত<br>পরীক্ষা | ১। বাংলা                         | ২০    | ৫০%                    | ৯০ মিনিট |
|                  | ২। ইংরেজি                        | ২০    |                        |          |
|                  | ৩। গণিত                          | ২০    |                        |          |
|                  | ৪। কম্পিউটার বিষয়ে সাধারণ জ্ঞান | ৩০    |                        |          |
|                  | মোট নম্বর                        | ৯০    |                        |          |
| মৌখিক পরীক্ষা    |                                  | ১০    | -                      | -        |
| সর্বমোট নম্বর    |                                  | ১০০   | -                      | -        |

ব্যাখ্যা।—(১) কম্পিউটার অপারেটর এর ক্ষেত্রে কম্পিউটার মুদ্রাক্ষরে প্রতি মিনিটে বাংলায় ২৫ শব্দ এবং ইংরেজিতে ৩০ শব্দ এবং ডাটা এন্ট্রি অপারেটর এর ক্ষেত্রে কম্পিউটার মুদ্রাক্ষরে প্রতি মিনিটে বাংলায় ২০ শব্দ এবং ইংরেজিতে ২০ শব্দের গতিসহ সংশ্লিষ্ট বিষয়ে Standard Aptitude Test এ উত্তীর্ণ হইতে হইবে।

- (২) বাংলা ও ইংরেজি উভয় প্রকার কম্পিউটার মুদ্রাক্ষরের ক্ষেত্রে ৫ (পাঁচ) টি স্ট্রোক একটি শব্দ হিসেবে গণ্য হইবে।
- (৩) ৫% এর অধিক ভুলের ক্ষেত্রে কোনো গতি অর্জিত হয় নাই বলিয়া গণ্য হইবে।
- (৪) লিখিত পরীক্ষায় উত্তীর্ণ প্রার্থীরা শুধু ব্যবহারিক পরীক্ষায় এবং ব্যবহারিক পরীক্ষায় উত্তীর্ণ প্রার্থীরাই শুধু মৌখিক পরীক্ষায় অংশগ্রহণ করিতে পারিবেন।

## তফসিল-৪

[বিধি ২(গ) দ্রষ্টব্য]

গাড়ীচালক পদের লিখিত পরীক্ষার বিষয় ও নম্বর ইত্যাদি:

| পরীক্ষার নাম     | পরীক্ষার বিষয়                        | নম্বর | সর্বনিম্ন পাস<br>নম্বর | সময়    |
|------------------|---------------------------------------|-------|------------------------|---------|
| ১                | ২                                     | ৩     | ৪                      | ৫       |
| লিখিত<br>পরীক্ষা | ১। বাংলা                              | ১০    | ৫০%                    | ১ ঘণ্টা |
|                  | ২। ইংরেজি                             | ১০    |                        |         |
|                  | ৩। গণিত                               | ১০    |                        |         |
|                  | ৪। সাধারণ জ্ঞান/প্রাসঙ্গিক টেকনিক্যাল | ১০    |                        |         |
|                  | মোট নম্বর                             | ৪০    |                        |         |
| মৌখিক পরীক্ষা    |                                       | ১০    |                        | —       |
| সর্বমোট          |                                       | ৫০    |                        | —       |

ব্যাখ্যা:—লিখিত পরীক্ষায় উত্তীর্ণ প্রার্থীগণকে ব্যবহারিক পরীক্ষার জন্য যোগ্য বিবেচনা করা হইবে; এবং লিখিত ও ব্যবহারিক পরীক্ষায় উত্তীর্ণ প্রার্থীগণকে মৌখিক পরীক্ষার জন্য যোগ্য বিবেচনা করা হইবে।

রাষ্ট্রপতির আদেশক্রমে

আবু তাহের মোঃ মাসুদ রানা

সচিব।

মোহাম্মদ আবু ইউসুফ, উপপরিচালক (উপসচিব), বাংলাদেশ সরকারী মুদ্রণালয়, তেজগাঁও, ঢাকা কর্তৃক মুদ্রিত।

মোঃ নজরুল ইসলাম, উপপরিচালক (উপসচিব), বাংলাদেশ ফরম ও প্রকাশনা অফিস, তেজগাঁও,

ঢাকা কর্তৃক প্রকাশিত। website : www.bgpress.gov.bd